

झालर शंख नगाड़ा बाजे ओ,
सालासर रे मंदिर में,
हनुमान बिराजे रे,
हनुमान बिराजे ओ,
सदा बजरंग बिराजे ओ ॥

भारत राजस्थान में,
सालासर एक गाँव,
सूरज सामे बनियो देवरो,
बालाजी रो धाम,
ज्यारे लाल धजा लहरावे रे,
सालासर रा मंदिर में,
हनुमान बिराजे रे ॥

नारेला री गिनती कोणी,
सुमिरण छत्र अपार,
दूर देशा जात्री बाला,
आवे नर नार,
बाबो बेड़ा पार लगावे रे,
सालासर रा मंदिर में,
हनुमान बिराजे रे ॥

चेत सुदी पूनम रो मेलो,
भीड़ लगे अति भारी,

नर नारी थारा दर्शन करवा,
आवे बारी बारी,
बाबो अटकीय कारज सारे रे,
सालासर रा मंदिर में,
हनुमान बिराजे रे ॥

रामदूत अंजनी के लाला,
धरो हमेशा ध्यान,
सेन सिंह शरणा रो साकर,
दो भक्ति वरदान,
थारे हाथ जोडोला लागे रे,
सालासर रा मंदिर में,
हनुमान बिराजे रे ॥

झालर शंख नगाड़ा बाजे ओ,
सालासर रे मंदिर में,
हनुमान बिराजे रे,
हनुमान बिराजे ओ,
सदा बजरंग बिराजे ओ ॥

गायक श्री रामनिवास राव जी ।
प्रेषक श्रवण सिंह राजपुरोहित ।
सम्पर्क +91 90965 58244



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>